



Swyddfa'r
Gwarcheidwad
Cyhoeddus

Form

LPA120

Cael cymorth i dalu ffioedd atwrneiaeth arhosol (LPA)

Defnyddiwch y ffurflen hon os ydych yn gwneud cais i gofrestru atwrneiaeth arhosol (LPA) neu atwrneiaeth barhaus (EPA).

Gallwch chi wneud cais am un o'r canlynol:

- **esemptiad** - peidio â thalu dim o ffioedd yr atwrneiaeth
- **gostyngiad** - talu hanner ffioedd yr atwrneiaeth

Ble i anfon y ffurflen gyflawn:

Postiwch i:

Office of the Public Guardian
Blwch Post 16185
Birmingham
B2 2WH

Ffioedd atwrneiaeth arhosol

Mae'r ffi am gofrestru atwrneiaeth arhosol (LPA) neu atwrneiaeth barhaus (EPA) yn cael ei thalu pan fyddwch yn anfon y ffurflen atwrneiaeth i Swyddfa'r Gwarcheidwad Cyhoeddus. Mewn rhai amgylchiadau, mae gan roddwr hawl i dalu llai na'r ffi lawn am ei atwrneiaeth

Ystyr **gostyngiad** yw gostyngiad o 50%, ac mae'n seiliedig ar eu hamgylchiadau.

Ystyr **esemptiad** yw nad oes rhaid i'r rhoddwr dalu unrhyw ffi. Y rheswm am hyn fel arfer yw eu bod yn derbyn rhai budd-daliadau sy'n dibynnu ar brawf modd.

Faint fyddaf i'n ei dalu gyda gostyngiad?

Os oes gennych chi hawl i gael gostyngiad, byddwch yn talu £46 i wneud cais i gofrestru LPA neu EPA. Os ydych yn gwneud ail gais am LPA a bod gennych hawl i gael gostyngiad, fel y cytunwyd gan Swyddfa'r Gwarcheidwad Cyhoeddus, byddwch yn talu £23 am LPA neu EPA.

Esemptiad - peidio â thalu dim ffi

Efallai na fydd yn rhaid i'r rhoddwr dalu ffioedd atwrneiaeth os ydynt yn cael rhai budd-daliadau prawf modd, ac nad ydynt wedi cael iawndal anaf personol o fwy na £16,000. Os ydynt wedi cael iawndal anaf personol o fwy na £16,000, ac anwybyddwyd y swm hwn pan gawsant eu hasesu ar gyfer y budd-dal, bydd yn rhaid iddynt dalu ffi.

Mae dyfarniadau iawndal yn cynnwys taliadau a ddarperir o ganlyniad i esgeulustod troseddol neu feddygol.

Tystiolaeth Dderbyniol:

Rhaid i chi anfon prawf o fudd-daliadau sy'n dibynnu ar brawf modd atom, gan gynnwys teitl y rhoddwr, ei enw llawn, ei gyfeiriad a'r cod post. Mae'r math penodol wedi'i restru isod ar gyfer pob budd-dal. Hefyd, bydd angen llythyr neu hysbysiad gan ddarparwr y budd-dal yn cadarnhau'r swm y mae'r rhoddwr wedi ei gael. Rhaid cyflwyno dystiolaeth ar yr un pryd ag yr anfonir yr atwrneiaeth i Swyddfa'r Gwarcheidwad Cyhoeddus, a rhaid i'r dystiolaeth fod ar gyfer y flwyddyn ariannol gywir. Ystyr blwyddyn ariannol yw'r cyfnod rhwng 1 Ebrill a 31 Mawrth.

Budd-daliadau sy'n dibynnu ar brawf modd	Tystiolaeth a dderbynnir
Elfen Gwarant Credyd o'r Credyd Pensiwn	Dadansoddiad llawn yn nodi'r elfen sydd wedi'i gwarantu, gan ddangos y swm a'r dyddiadau pryd y cafwyd hynny
Lwfans Cyflogaeth a Chymorth yn Seiliedig ar Incwm	Dadansoddiad llawn yn dangos yr elfen o'r Lwfans Cyflogaeth a Chymorth sy'n gysylltiedig ag incwm, gyda'r swm a'r dyddiadau pryd y cafwyd hynny
Lwfans Ceisio Gwaith yn seiliedig ar Incwm NEU Cymhorthdal incwm NEU Budd-dal Tai	Llythyr hawl yn dangos y swm a'r dyddiadau derbyn
Budd-dal treth gyngor	Llythyr hawl yn dangos y swm a'r dyddiadau pryd y cafwyd hynny, nid y gostyngiad o 25% i berson sengl nac esemptiadau eraill ar sail feddygol
Lwfans Tai Lleol	Llythyr hawl yn dangos y swm a'r dyddiadau derbyn
Credyd Treth i Bobl mewn Gwaith, wedi'i gyfuno â	Dadansoddiad llawn yn dangos credyd treth i bobl mewn gwaith ar y cyd ag un o'r canlynol: - Credyd Treth Plant - Elfen anabled - Elfen anabled difrifol

Gostyngiad - talu hanner y ffi

Efallai y bydd yn rhaid i chi dalu hanner y ffioedd yn unig os yw incwm blynyddol y rhoddwr cyn treth yn £12,000 neu lai.

Tystiolaeth dderbyniol:

Rhaid i'r dystiolaeth a anfonwch gadarnhau math o incwm y rhoddwr, a'r swm. Rhaid i'r prawf gynnwys teitl y rhoddwr, ei enw llawn, ei gyfeiriad hysbys diwethaf a'r cod post.

Rhaid cyflwyno'r prawf ar gyfer y flwyddyn ariannol gywir. **Ystyr blwyddyn ariannol yw'r cyfnod rhwng 1 Ebrill a 31 Mawrth.**

Nid ydym yn derbyn cyfriflenni banc fel yr unig brawf o incwm heb ddogfennau ategol gan ddarparwr y budd-daliadau neu daliadau.

Math o Incwm	Prawf o Incwm
Cyflogaeth am dâl	Y tri slip cyflog olynol diwethaf o gyflogaeth gyfredol
Hunangyflogaeth	Y ffurflen dreth ddiweddaraf (hunanasesiad) neu gyfrifiad treth diweddaraf CThEF
Budd-daliadau nad ydynt yn dibynnu ar brawf modd	Megis Lwfans Gweini (AA), Lwfans Byw i'r Anabl (DLA) a Thaliad Annibyniaeth Personol (PIP) – llythyr swyddogol neu hysbysiad gan y sawl sy'n talu
Pensiwn gwladol, pensiwn preifat neu bensiwn galwedigaethol, gan gynnwys arian pensiwn sy'n cael ei dynnu i lawr i'w ddefnyddio	P60, llythyr neu hysbysiad gan y darparwr pensiwn, neu ddau slip talu olynol sy'n cadarnhau'r swm gros a dalwyd
Llog a difidendau o gynilion, cyfalaf, stociau, cyfranddaliadau neu fondiau	Cyfriflenni, talebau neu dystysgrifau treth yn nodi cyfanswm incwm cyn treth
Incwm rhent o eiddo	Copiâu o gytundebau tenantiaeth neu brydlesi ar gyfer pob eiddo yn dangos swm y rhent a delir ar hyn o bryd a pha mor aml Y ffurflen dreth ddiweddaraf neu gyfrifiad treth diweddaraf CThEF
Incwm y mae'r rhoddwr wedi'i gael gan unigolion megis lletywr, tenant, plant nad ydynt yn ddibynnol, perthynas ac ati.	Copiâu o'r datganiadau rhent a dalwyd i'r rhoddwr
Credyd Cynhwysol (Os yw'r rhoddwr yn cael Credyd Cynhwysol ac nad yw cyfanswm ei incwm blynyddol cyn treth yn fwy na £12,000, gellir caniatáu gostyngiad o 50%.)	Deuddeg mis o ddatganiadau gan yr adran Gwaith a Phensiynau (DWP) neu sgrin argraffu ar gyfer pob un o'r 12 mis o www.gov.uk/sign-in-universal-credit
Os nad oes gan y rhoddwr incwm	Datganiad wedi'i lofnodi yn egluro sut maent yn cynnal eu hunain yn ariannol

Caledi

Os nad yw'r rhoddwr yn gymwys i gael esemptiad rhag talu ffi neu ddileu ffi, ond byddai talu ffioedd yn achosi caledi ariannol, gallwch ysgrifennu atom i ofyn am ostyngiad ffi. Gelwir hwn yn gais caledi ariannol. Os ydych chi am gyflwyno cais caledi ariannol, cynhwyswch gais ysgrifenedig gyda'r ceisiadau atwrneiaeth a'r ffurflen LPA120. Yna byddwn yn gofyn am yr wybodaeth berthnasol gennych chi.

Adolygu penderfyniadau ynghylch esemptiad a gostyngiad

Os yw eich cais wedi cael ei wrthod a bod gennych reswm i gredu na ddylai fod wedi cael ei wrthod, gallwch ofyn am adolygiad o'r penderfyniad.

Rhaid derbyn y cais o fewn 28 diwrnod ar ôl dyddiad y llythyr a oedd yn nodi canlyniad eich cais gwreiddiol. Rhaid iddo gael ei gyflwyno'n ysgrifenedig, gan roi'r rhesymau pam eich bod yn gwneud cais am yr adolygiad. Dylech gynnwys unrhyw ddogfennau a fydd, yn eich barn chi, yn ategu eich cais.

Byddwn yn adolygu'r cais ac yn penderfynu a oes digon o dystiolaeth dros wrthdroi neu ddiwygio'r penderfyniad gwreiddiol. Byddwn yn rhoi gwybod i chi am y penderfyniad o fewn 21 diwrnod. Os oes ffi yn dal i fod yn daladwy, cewch wybod am hyn hefyd.

Ni allwch wneud ceisiadau pellach i adolygu'r un cais.

Sylwch:

Os na fyddwn yn cael y dystiolaeth sydd ei hangen i ategu eich cais, neu os nad yw'r dystiolaeth a gafwyd yn bodloni'r gofynion, efallai y byddwn yn ei gwrthod.

Efallai y byddwn yn gofyn am fwy o dystiolaeth i ategu eich cais. Os na fyddwch yn darparu hyn, efallai y bydd eich cais yn cael ei wrthod, a bydd yn rhaid i chi dalu'r ffi lawn am eich LPA.

Sut mae gwneud cais

Anfonwch y ffurflen LPA120 a'r dystiolaeth ategol drwy phostio i:

Office of the Public Guardian
Blwch Post 16185
Birmingham
B2 2WH

Os oes gennych chi unrhyw ymholiadau, cysylltwch â ni:

Ffôn 0300 456 0300

Ar agor 9am i 5pm ar ddyddiau'r wythnos, ac eithrio dydd Mercher 10am i 5pm

Relay UK (os na allwch glywed neu siarad dros y ffôn) 18001 0300 123 1300



Rhaid i chi anfon eich cais LPA120 a'ch dystiolaeth ategol atom ar yr un pryd ag y byddwch yn anfon eich atwrneiaeth i wneud cais i gofrestru.

Gallwn dderbyn copïau drwy wedi'u sganio neu gopïau ffotograffig oo'r LPA120 a'r dystiolaeth ategol.

Gwnewch yn siwr yn sir bod popeth yn glir ac yn hawdd ei ddarllen.

Sut i dalu

Ar-lein gan ddefnyddio cerdyn debyd neu gredyd

Os ydych chi'n gwneud eich LPA gan ddefnyddio'r adnodd digidol ar gyfer LPA, gallwch dalu'n ddiogel ar-lein gyda cherdyn credyd neu ddebyd.

Dros y ffôn gan ddefnyddio cerdyn debyd neu gredyd

Os hoffech chi dalu fel hyn, nodwch hynny yn eich ffurflen gais neu lythyr eglurhaol ac fe gysylltwch â chi.

Taliad siec

Gwnewch eich siec yn daladwy i 'Office of the Public Guardian' ac ysgrifennwch enw'r rhoddwr yn llawn ar y cefn.

Fformatau eraill

I ofyn am y ffurflen hon mewn braille, sain neu brint bras, anfonwch e-bost atom yn:

customerservices@publicguardian.gov.uk

Cofiwch gynnwys eich cyfeiriad a'r fformat a ddymunwch.

Gadawyd y dudalen hon yn wag yn fwriadol



Cael cymorth i dalu ffioedd atwrneiaeth arhosol

Adran 1

Eich manylion

Teitl

Enw llawn

Cyfeiriad

Cod post

Ffôn (gan gynnwys ffonau symudol)

--	--	--	--	--	--	--	--	--	--	--	--	--	--	--

E-bost

**Os nad chi yw'r rhoddwr, nodwch eich rôl ar yr LPA neu'r EPA
neu eich perthynas â'r rhoddwr.**

☐

Atwrnai ar yr LPA neu'r EPA

☐

Gohebydd ar yr LPA neu'r EPA

☐

Arall (rhowch fanylion isod)

Os nad chi yw'r rhoddwr, rhowch enw a chyfeiriad y rhoddwr.

Teitl

Enw llawn

Cyfeiriad

Cod post

Adran 2

Y cais

Pa ffi ydych chi'n gwneud cais am gymorth i'w thalu?

☐

LPA ar gyfer eiddo a materion ariannol

☐

LPA ar gyfer lles personol

☐

EPA

☐

Ail gais am LPA eiddo a materion ariannol

☐

Ail gais am LPA lles personol

Os ydych chi'n ailgyflwyno cais, darparwch unrhyw gyfeirnodau LPA

Mae'r rhain i'w gweld ar y llythyrau rydyn ni wedi'u hanfon atoch chi.

Rhaid i chi gynnwys unrhyw LPAs neu EPA rydych chi am ei chofrestru gyda'r cais hwn, yn yr amlen

☐

Ydw, rwyf wedi amgáu'r holl ddogfennau yr wyf am eu cofrestru

Os ydych chi'n gwneud cais am esemptiad (i beidio â thalu ffi), ewch i Adran 3.

Os ydych chi'n gwneud cais am ostyngiad (i dalu hanner ffi), ewch i Adran 4.

Adran 3

Gwneud cais am esemptiad rhag talu ffi

Os yw'r rhoddwr yn cael unrhyw un o'r budd-daliadau canlynol, efallai na fydd yn rhaid iddo dalu ffi am ei atwrneiaeth. Rhaid iddo ddarparu tystiolaeth i ategu hyn.

Atebwch bob cwestiwn yn yr adran hon.



Ni allwch
wneud cais
am esemptiad
yn seiliedig ar:

Lwfans Byw i'r Anabl
(DLA), Lwfans Gweini
(AA), Pensiwn
y Wladwriaeth
(SP) neu Daliad
Annibyniaeth
Personol (PIP)

Pa rai o'r budd-daliadau hyn y mae'r rhoddwr yn eu derbyn?

- ☐ Cymhorthdal incwm
- ☐ Lwfans Ceisio Gwaith yn seiliedig ar Incwm (JSA)
- ☐ Lwfans Cyflogaeth a Chymorth (ESA) yn gysylltiedig ag incwm
- ☐ Elfen Gwarant Credyd o'r Credyd Pensiwn
- ☐ Budd-dal Tai
- ☐ Credyd Treth Gwaith, ond ddim ond pan fo:
 - Credyd Treth Plant yn cael ei dalu i'r rhoddwr, neu i gwpl sy'n cynnwys y rhoddwr a / neu
 - Mae premiwm anabledd neu breimiwm anabledd difrifol (neu'r ddau) yn rhan o'r Credyd Treth Plant a dderbynnir gan y rhoddwr
- ☐ Cymorth gyda'r Dreth Gyngor/gostyngiad yn y Dreth Gyngor (nid yw hyn yn cynnwys disgownt oherwydd anabledd neu anfeddiannaeth nac esemptiad Dosbarth U)

A yw'r rhoddwr wedi cael iawndal anaf personol?

Os bydd y rhoddwr wedi cael iawndal am anaf personol o dros £16,000 wedi'i ddyfarnu iddo, a gafodd ei ddiystyru pan aseswyd y rhoddwr ar gyfer un o'r budd-daliadau uchod, yna ni fyddant yn gymwys am esemptiad.

Cadarnhewch un o'r dewisiadau canlynol

- ☐ Ni chafodd y rhoddwr unrhyw daliadau anaf personol
- ☐ Roedd y taliadau anaf personol a dderbyniodd y rhoddwr yn llai nag £16,000
- ☐ Roedd y taliadau dros £16,000, ond cawsant eu hanwybyddu pan gafodd y rhoddwr ei asesu ar gyfer budd-daliadau sy'n dibynnu ar brawf modd

Adran 4

Gwneud cais am ostyngiad yn y ffi

Os yw cyfanswm incwm blyneddol y rhoddwr cyn treth (incwm blyneddol gros) yn llai na £12,000, efallai y bydd yn gymwys i dalu hanner ffi. Rhaid iddo ddarparu tystiolaeth i ategu hyn.

☐ Rwy'n cadarnhau bod incwm y rhoddwr yn llai na £12,000 cyn treth

i I wneud cais i ddileu ffi **rhaid** i chi anfon tystiolaeth o incwm y rhoddwr cyn treth atom

Llenwch y tabl isod i gadarnhau incwm y rhoddwr o bob ffynhonnell.

Darparwr Taliad neu Fudd-dal	Derbyniadau Blyneddol
Lwfans Gweini	£
Lwfans Byw i'r Anabl	£
Lwfans Annibyniaeth Bersonol (PIP)	£
Lwfans Cyflogaeth a Chymorth yn Seiliedig ar Gyfraniadau (ESA)	£
Credyd Cynilion Pensiwn	£
Pensiwn Gwladol	£
Pensiynau preifat	£
Incwm rhent o eiddo	£
Incwm o gyflogaeth	£
Llog o fuddsoddiadau cyfalaf a chynilion	£
Credyd Cynhwysol	£
Math arall o incwm	£
Cyfanswm	£

Os oes gennych unrhyw fath arall o incwm, cadarnhewch ei ffynhonnell

Adran 5

Datganiad

Rwy'n datgan bod yr wybodaeth yr wyf wedi'i rhoi yn gywir, hyd eithaf fy ngwybodaeth

☐ Amgaeaf dystiolaeth i ategu'r cais hwn am leihau ffioedd atwrneiaeth arhosol

Llofnod

Enw

Dyddiad llofnodi

Diwrnod

Mis

Blwyddyn



Ni ellir
derbyn
cyfriflenni

banc fel dystiolaeth
heb ddogfennau
ategol gan
ddarparwr y budd-dal
neu'r taliad